

458 (10) Dress and ornament and custom in
connection therewith, Sekopo's tribe.
10. Diaparo.

1 0-1b

2

3

Banna re apra marokxo le hempe, basadi ba apra mosese, seriba
thetho ka pele le lepai. Fela xola kxale makxowa a seso xo tla
fano dikobo re be re reka makwapeng a a bexo asepele a rekisa
dikobo tse di thome e xo tla mono ka makwapa a xo tswa xona koa
nga tsa mawatleng. E, pele makwapa a tlisa dikobo re bere apra
matlalo a diphoofolo re be re dio a soxa. E, xape re be re
khupetsa mmele ka moka; kudu-kudu xe o be o le motsomi o be o
apara dikobo tse dibotse tsa matata. Aowa, re be re sa apare
byalo ka makwapa ke ra ka xore rena re be re apra setseba ka
fase. Aowa, Makwapa sa bexo a apra dikobo tse ba dibitsaxo
methseka e be le makwapa a nga tsa lewatle feela, aa nga tsa
Tswetla ona a be a apra matlalo byalo ka rena feela ona a be a
apara byalo ka eka ke basadi barena ba be ba apra mokxopana
ka moraxo le ka pele xona basadi ba rena ba apra theto ka pele
theto ya xona e be e dirwa ka meruka. Makwapa ka fase a be a
sa apare selo fela a banna a be a thlomela ka bopeleng bya bona
se ba bexo ba re ke mokxamelo.

Basadi ba rena bonaba be ba apra mosese ka moraxo, mosese
o o direlwa ke monna wa xaxwe thetho yena monye o a e tiela, fela
naase re dio ba rekela mabeu ke leng ba ithokela mmepana bona
benyi. Aowa, mmepana ke thetho. Aowa, mosese le seriba xa di
swane; xe re re mosese re ra wa xo diwa ke lesela. Byale seriba
sona re ra sa xo diwa ka mokxopa wa pudi, aowa, bana xa ba apare
mesese tsa xo swana le tsa bo mma bona, bona ba be ba apra motswe-
to fela ba nama la sepela, fela ba naase bona ba no ba apesa
mosesana le thethwana.

Kobo tse re di aparaxo tsa matata xe o rata tsa botse-botse
xona o ka ya xo ba ruki ba xo kxona ruri-ruri ba tlo xo rokela.

Tsa ka mosata tsona di rukiwa ke bakxone ruri. E, xona le tse di aparwaxo xe xo sena mekete le mohla mekete. Tse di aparwaxo mohla mekete dia bolokwa xabotse.

Tse di latelaxo ke di tsere xo Moxale wa xa Madikana mohla a ya koseng:-

Hloxong o be a apere selo se sengwe se e rexo ke lepolankana xoba nka re ke sa xo swana le lemeko le ebotsweho la nyoba; o re ke sethale ditsebene o be a apere disolobere, bangwe bakeng sa disolobere ba apara marapyana ditsebung, molaleng a apere meroka ye a rexo ke dikxatlwa, diatleng a apere maseka le dipenkele, le dihanka tsa diatleng. Mmeleng a apere lethosana le letarase.


Xo na le maraka dikxabiso tsa diatla tsa xo dirwa ka dithuka, tsa diatla ke namane, sefoto, mankwe, dibothse. Tsa molala ke metsi, Tilwane le dithsela. Tsa dinoka ke masepetla, setepu, dipepetlana le motlaka.

Tse diaparo ke di bone xo kxorompe a e ya koseng. Lefofa le leso hloxong thoka e nthso maseka a matanyetsa, lepanta la mathsoba, methsedi dikxathwa le sehlako.

Thoka lepanta la mathsoba sehlako di dirilwe ke yena monye. Tse dingwe xo dirile banenyana.

E, batho fela ba naxa xa ba swanelwa ke xo apara tse diaparwaxo ke kxosi. Ka xa bo Moxale o tla hwetsa xo tletse mekxopa le matata ya diphoofolo tse a di bolayaxo. Mokxopa wa tau wa nkwe kapa phoofolo efe le efe xa e hlokexe. Xe o le sexadi diphoofoleng kxosi ea xo rata xomme matlalo a diphoofolo tse di bolawaxo a dira matata a ka mosate, ke ka mokrwa wo dikxosi di baxo le matata a mantsi.

- 6 Moriri o dirwa dikwasa wa beolwa. Xe ba rata ba dira thlopo, xantsi-ntsi ke dilo tsa Batlokwa, rena tsa rena ke seotlo. Ka seswanthso se re tla bona seotlo.



Xa re boneng dikwasa:-

- 7 Moriri o dirilwe ditsela-tsela. Tseo tsa ka xodimo ka moka ba re di dirwa ke basadi fela. Peakanyo eo ya moriri e dirwa ke basadi ba mathari le banenyana. Xe motho a setse a xotse xa a sa na taba natso. E, moriri le wona e ka ba ponthso ya xore motho o maswabing. Xe mosadi a hwetswe ke monna o phalola hloxo ka moka; byalo ka mma-Maropene monna xwe o rile xo hwa a phalolwa hloxo. Aowa, rena mono xa molema xa re diri maswao a mantse xe e se xo tlo hlapa fela ra loka. Kudu-kudu xe re ya menyanyeng xe re tlole ka ditlolo mebeleng ya rena. Fela xe e le mokete wa kxopa xona re tlotsakxopa eo fela ka matsoku mohla e ya xo khunullwa mosate e swanetse xo ya e tlotse, aowa, xa se kxopa fela ye e tlolaxo le basimanyana ba tlola mohla ba etswa xo wela.

Kantle xa tseo rena xa re tlole xoba xo ethala-thala mmele ka dilo. Banenyana bona ba phula masoba mo ditsebung xore ba kxone xo tsentsha disolobere le marapyana. Basimane le bona ba phola ditsebe ba tsentsha disolobere xoba mahlokwana a mabyanye.

8 Aowa, re ka se kxone xore motho yo mobyane ke yena a swanetse-
 xo xoba e mo botse ka xore xo xongwe o ka khumana motho e mobotse-
 botse e le yo moso, wa hwetsa e hwibidu e le wa xo se be botse.
 Dilo tse di dio ya ka sebopexo sa motho. Molomo wo montlokwana
 nna ke rata wona, le nko ya lenono, motho wa meno a xo sena a
 dikelepete xa a botse. Phatla ya xo befa ke ya swana le ya
 thswene xoba e ntlokwana. Molala wo molele le wona xa o botse
 o swana le motho wa molala waxo tsena maxetleng xa a botse.
 Matswele a ngwanenyana a se ke a dio lapa aswanetse xo dula
 a eme, le xona e se be a dithla e be kxokolonyana, a mo lekane
 xabotse a se ke a dio tlaralala diatla tsa motho di se fete
 mmele xoba di sefetane le mmele, di se ke tsa kxopama

END. S. 458.